



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Emicuit in hoc negatio pietas & reverentia Regum nostrorum erga apostolicam sedem. Dimiserunt enim solennitatem homagij. Istud verò non exegerunt nisi ab iis Episcopis qui feuda possidebant. A ...

urn:nbn:de:hbz:466:1-15617

hæ manus ad eam seu fœcordiam seu ignaviam demittantur ut imperio subjiciantur eorum manuum quas noctu & interdiu coquinant obseceni contactus, rapinæ, & injusta effusio sanguinis humani. Eodem quoque argumento usus est Paschalis secundus in colloquio Catalaunensi, Legatos Henrici Imperatoris alloquens. Nam idem Papa, prædecessorum suorum statutis æmulatus, eandem prohibitionem renovaverat in Concilio Lateranensi: *Patrum nostrorum decreta, inquit, renovavimus, sancientes & interdicentes ne quisquam omnino Clericus homini laico faciat.* Idem sensisse videntur Episcopi provinciæ Remensis è synodo Carisiacensi anno DCCCLVIII. scribentes ad Ludovicum Regem Germaniæ, dum aiunt: *Nos Episcopi Domino consecrati, non sumus hujusmodi homines seculares ut in vasallatico debeamus nos cuilibet commendare.* Infra: *Manus enim chrismate sacro peruncta, que de pane & vino aqua mixto per orationem & crucis signum conficit corpus & Christi sanguinis sacramentum, abominabile est quidquid ante ordinationem fecerit, ut post ordinationem episcopatus seculare tangat ullo modo sacramentum.*

V. Verum his prohibitionibus nequaquam obsequi sunt Galli, neque Angli, neque eam Germani. Nam Ivo Carnotensis scribens Paschali Papæ, ait se secundum Pontificis mandatum de restitutione Radulfi Remensis Archiepiscopi tractasse cum Rege & proceribus regni in Curia sive Parlamento in Aurelianensi urbe habito, sed eam obtineri non potuisse nisi ea lege ut Radulfus Regi sacramentum *per manum* (id est, homagium) præstaret more Remensis Archiepiscoporum prædecessorum ejus & ceterorum Episcoporum regni Francici. Eam enim fuisse optimatum in eo negotio pervicaciam ut planè necessarium fuerit eorum obsequi studiis, tametsi iussa Pontificis omnino contraria forent: *quia ecclesiastice paci & fraternæ dilectioni sic expediebat, ut in epistola cxc. ait idem Ivo. Orat autem Paschalem ut dispensatione uratur in hac causa, memineritque prudentiae & pietatis suæ, cùm fas non sit debitam fortitudinem hoc loco exercere.*

VI. Non solùm autem in Gallia, sed etiam in Anglia, his Romanorum desideriis contradicebatur; ut colligitur ex Vvilelmo Malmesburiensi in libro primo gestorum pontificalium. Cùm enim acriter inter se contenderent Henricus secundus Rex Anglia & Anselmus Cantuariensis Archiepiscopus, qui ob prohibiciones pontificias hominum præstare recusabat, missa est ad Paschalem legatio ad tollendam diffi-

cultatem. Sed cùm Papa editis ea de re constitutionibus pertinaciter adhaereret, ejusque auctoritate se Anselmus tueretur, Rex Henricus in hæc verba prorupit: *Quid ad me de literis Apostolici? Iura regni mei nolo amittere.* Vnde factum ut Anselmus jussus sit *Regi hominum facere, vel absolutis morarum nexibus regno exceedere.* Tandem Henricus, jus suum retinendo, consensum Pontificis elicit; ut in libro secundo eorundem gestorum pontificalium testatur his verbis idem Vvilelmo Malmesburiensis: *Concessit siquidem Papa ut Rex homagia de electis acciperet, sed nullum per anulum & baculum inviret.*

VII. Reges tamen Francorum videntur facilius flexisse, ut more gererent destinatis Pontificum Romanorum, quoad homagia, non secùs ac obsequiis idem fuerant quoad solennitatem investiturarum. Dimiserunt enim solennitatem homagij; quæ in eo versabatur ut vasillus manus suas supponere teneretur manibus domini. Retinuerunt tamen homagium quoad Episcopos qui feuda possident, solo fidelitatis juramento ab iis exacto qui nulla feuda possebant. Hinc orta est distinctio quæ extat in constitutione anni MCCCXXXII. in qua Episcopi qui juramentum fidelitatis & homagium debent, distinguntur ab iis qui juramentum tantum fidelitatis debent. Quoniam verò solennitas homagij sublata est, utrumque hodie confunditur quoad Episcopos; qui nullum aliud juramentum præstant quam juramentum fidelitatis, tametsi feuda ad homagium quoque adstringant. Restat itaque Fridericus primus Imperator respondit Legatis Hadriani quarti Summi Pontificis, qui tametsi consentirent ut Episcopi Italiae Friderico præstarent juramentum fidelitatis, homagium tamen præstari non debere contendebant: *Episcoporum Italiae ego quidem non affecto hominum, si tamen eos de nostris Regalibus nil delectat habere. Qui si gratarer audierint à Romano Presule Quid tibi & Regi, consequenter quoque ab Imperatore non pigeat audire Quid tibi & possessione?*

VIII. Ceterum ex hoc loco colligitur juramento saltem fidelitatis consensisse Legatos. Sanè in Conciliis Toletanis quarto & decimo pronuntiatum fuerat ad illud Regi præstandū æquè teneri Episcopos ac ceteros subditos. Vsurpabatur porrò id ab Episcopis Gallicanis; ut patet ex canone primo Concilij tertij Turonensis habitu anno DCCXXII. & ex synodo Aquisgranensi secunda habita anno DCCXXXVI. cuius ea sunt verba in canone duodecimo secundi capituli: *Si quisquam Episcoporum sacramentum fidelitatis illi*

*Vide superius cap. 20.
§. 1.*

*Epistola Episcoporum
ad Ludovicum
cap. 15.*

*Vide lib. 4. cap. 13.
§. 1.*

*Vide Radim.
ib. 3. lib. Nov. 298. 41. 70.*

*Vide Radim.
ib. 61. 65. 71.
17. 21.*